



# Plattdeutsche Wochen

MECKLENBURG-VORPOMMERN

## Ankündigung (Pressemitteilung)

**Dei 4. Plattdüütschen Wochen fangen in Mäkelnburg-Vörpommern an!**

**„Schnacken Sei Platt? Na denn, schnacken Sei Platt!“**

- **Tiet von'n 26. Maimånd (Mai) bet taun 16. Rosenmånd (Juni) gifft da dit Jahr dei Plattdüütschen Wochen**
- **Väle Beläwnisse luern up Plattschnacker un Plattdüütsch int'ressierte Börger: Nuurddüütscher Dach, Bäukerdach, Theoter, Lösungen, Kirchgäng, Musik un noch väl mih.**

Unser disse Devis röppt dei Heimatverband MV von'n 26. Maimånd bet taun 16. Juni 2024 tau dei vierten Plattdüütschen Wochen in Mäkelnburg-Vörpommern up. Dei Plattdüütschen Wochen sallen ok dei Råhmen för Akteure sien, sülsen vör Uurt plattdüütsche Beläwnisse tau organisieren. Väle hemm' all dorvon хүrt un willen mit måken! Man süll mål wedder düchtig uns Regionalspråk Platt schnacken orrer sik mit Plattdüütsch anfründen. Dei Plattdüütschen Wochen sünd 'n Bünnel von Akschonen von Plattdüütschfrünn', dei taun Mitmåken anrågen.

Dei Heimatverband freut sik, dat hei wedder uns Lannesmudder Manuela Schwesig as Schirmherrin för dei vierten Plattdüütschen Wochen winnen künn. In ehr Gräutwür deit's verkünnen: „Dat Plattdüütsche хүrt åbenso tau uns schönet Bunnesland as dei Ostsee mit ehr wunnerschönen Äuwers, dei Müritz un dei annern rund 2000 Seen, dei Håbenstädte, Wålder, Natschionalparks, Naturschutzrebeits un dei vålen annern Urten, wo man gaut arbeiden, låben un sik verhålen kann. Also, fåten's Maut dörch dei vierten Plattdüütschen Wochen, Platt tau schnacken un denn Klang von uns Platt tau luschern.“

Våle Plattschacker måken mit: von Dörp Mäkelnburg øwer Kröplin un Krakow an'n See bet nå Gripswold, Ückermünn', bet Fahrenwalde un Bergholt ane polnisch Grenz gifft dat allerlei Akschonen: „Wi freugen uns dull, dat våle Plattdüütschfrünn' bi ehr Planungen dei Tiet üm'e vierten Plattdüütschen Wochen mit in't Och fåt't hemm'. Dordörch ward lanneswiet dei allsiedige Tauspruch sichtbor, uns plattdüütsch Språk tau erhollen“, finnt Dr. Martin Buchsteiner, dei Vörsidder von'n Heimatverband MV e.V.

**Heimatverband**  
Mecklenburg-Vorpommern e.V.



**Schnacken Sei  
ok Platt?!**



# Plattdeutsche Wochen

MECKLENBURG-VORPOMMERN

Dei „Plattdüütschen Wochen“ 2024 fangen an'n 26. Maimånd mit denn „18. Nuurdischen Dach“ in Döms mit 'n Kunsthandwerkermarkt un 'n Festival vonne Nedderdüütsche Språk an un Gäst ut't ganze Land sünd willkåmen. In'n Bisien von Dr. Martin Buchsteiner as Vörsidder von'n Heimatverband un Jette Bolz as ierste Plattdüütschbotschafterin in uns Land nähmen dei vierten Plattdüütschen Wochen in Döms ehrn Anfang.

In't Museum ünnern Häben in Schwerin-Mueß gifft dat von'n 24.-26 Maimånd dat Festival vonne Traditschonen wo Måkelnburg-Vörpommern mit allerlei Belåwnisse

up Platt dat immaterielle Arf fieert.

Nåben dei vålen lütten Belåwnisse in't ganze Land as taun Bispill 'n Tarnow-Utstellung in Horschniedersalong Warnke in Niegenbramborg, „Schwienegele & Co“ vonne Max-Lindow-Literaturgesellschaft e.V. un Plattdüütsche Gottesdeinste gifft dat för männig Rebeit bedütsåme Akschonen.

Dat „plattdüütsche Wurt“ 2024 ward an'n 1. Rosenmånd wihrend 'n Tausåmenkunft in Schlott von Stemhagen utposaunt.

An'n 8. Rosenmånd gifft dat denn 10. Plattdüütschen Båukerdach in'n Botan'schen Gorn vonne Uni Rostock. Våle plattdüütsche Baukmåker stellen ehr plattdüütschen Produkte för lütte un grote Låser vör un för all gifft dat wat tau belåben. Nie is 'n „Junge Stunn“, vörseihn för ganz junge plattdüütsche Schriewer, dei hier ehr Teksten vörstellen kåenen. Organisiert ward disse Båukerdach von'n Botan'schen Gorn, denn Plattdüütsch-Verein „Klõnsnack-Rostocker 7“ un denn Heimatverband Måkelnburg-Vörpommern e.V.

Von'n 10. bet taun 14. Rosenmånd finnt in Gripswold dat 4. „Festival up Platt“ mit 'n Figurentheater, Musik un Utstellungen statt, ansiedelt in't Soziokulturelle Zentrum

St. Spiritus in Tausåmenarbeit mit denn Lannesverband Frieer Theoter, dat Kompetenzzentrum för Nedderdüütschdidaktik in Gripswold un denn Heimatverband MV. Lars Engelbrecht schlõcht mit sien Utstellung „Caspar David Frierich up platt“ denn Bågen tau dissen ok Platt schnackenden berühmten Künstler.



# Plattdeutsche Wochen

MECKLENBURG-VORPOMMERN

Mit dei Klosternacht tau Malchow an'n 14. Rosenmånd, 'n Dräpen von iewrig Plattdüüschfrünn' in't Kreisagarmuseum Döörp Mäkelnborg an'n 15. Rosenmånd, Theotervörstellungen un mihre Gottesdeinste gåhn dei Plattdüütschen Wochen 2024 tau Enn'.

Dat Plattdüütsch wedder Ingang in'n Olldach finnt, wiest uns dit Bispill:

Dei Personenverkihrsgesellschaft (ORP), dei œwer dei Lannegrenzen henwech twüschen Rheinsbarch un Mirow verkihrt, informiert ehr Fohrgäst siet dat verlåden Johr up Hoch- un Plattdüütsch. Plant is dat ok noch för anner Strecken. Dei Infall dortau keem von'n Verein för Nedderdüütsch in't Land Bramborg e.V.

.Up'e Websied von'n Heimatverband MV e.V. sünd noch mihr Henwies up Belåwnisse tau finnen. Dor gifft dat denn aktuellen Kalenner mit Tiet un Urt för alle plattdüütschen Belåwnisse.

Kieken's nå ünner: <https://www.heimatverband-mv/niederdeutsch/plattdeutsche-wochen-2024/wat-wi-maken.html>

Up Platt het dat Dr. Behrend Böckmann för und makt.